



SEIRBHIS GHAIHNLIG
ANN AN EAGLAIS NA MONTICH
AIR 27mh DE'N IUCHAR 1986

SALM O m'anam beannaich thusa nis
An Dia Iehobhah mor;
Moladh gan ni an taobh stigh dhìom
'Ainm naomha mar is cor.

O m'anam, beannaich fein a nis
Iehobhah mor do Dhia;
Na dichuimhnich na tiodhlacan
A dheonuich dhuit an Triath.

'S e mhaithreas duit gu grasmhor caoin
Gach peacadh annad fein:
'S e bheir dhuit slaint', is furtachd fos,
O d'euslaintibh gu leir.

Do bheatha fos o sgrìos a bhais,
'Se dh'fhuasglas duit gu pailt:
'S e chrunas thu le coron graidh,
'S le trocair chaoimh gun airc.

1. Biodh d'fhocal mar lochran a'treorach' mo cheum
Gu doras na trocair mar dh'orduich thu fein;
O! fosgail gu luath dhomh 's mi bualadh 'nam fheum
'S mo chridhe lan uamhais nach buanaidh mi 'neamh.

Co- O, 'Thighearna, cuidich mi! 's aithne dhuit m'fheum;
Sheirm Dean trocair air m'anam mu'm fannaich mo cheum;
O cuidich mi, Ios', air an t-slighe gu neamh
Le grasan do Spioraid 'tha sileadh su seamh.

'Sann dhomhsa 'bha 'm peacadh 'n a eallaich ro-throm
'S cha'n urrainn mi innseadh gach ni 'rinn mo chall;
Na'm faighinn-sa gras, cha'n e dail 'chuirinn ann.
Ach ghabhainn ri Iosa, 's ri iobairt, air ball.

Na'm faighinn-sa trocair le comhnadh a ghrais.
Cha'n fhanainn 's an Eiphit ach dh'eirinn gun dail.
Air sgath fuil a chumhnaint 'us 'umhlachd 'n am ait;
Nach eisd Thu ri m'urnuigh, 's mi dluth air a bhas!

'Nuair 'ghlaodh mi le durachd ri ughdair mo shlaint'
Bha Aingeal a'chumhnaint ro dhluth dhomh gun dail;
'N sin dh'fhosgail mo shuilean le ungradh nan gras.
'Us chunnaic mi Iosa 'toirt dioladh 'n am ait.

2. Ged tha mi bochd 's an fhasach seo, tha ait agam an gloir,
A ghealladh dhomh le m'Shlanuighear 'n uair bha e anns an fheoil
'S cha'n eagal leam gu'm failnich an gradh a thug E dhomh
'S toigh leam an seann seann sgeul sin.

An seann seann sgeul sin tha i daonnan nuadh
An seann seann sgeul sin mu fhulangas an Uain,
'Us mar chaidh Iosa cheusadh a shaoradh m'anam truagh,
'S toigh leam an seann seann sgeul sin.

Tha'r leam gu'm faich mi'n Slanuighear 's a gharadh 's E ri bron
'Us air a'chrann mar thairnichear a lamhan leis an ord,
So an sgeul is priseala, 's gu'n d'innseadh i le-Pol -
Is toigh leam an seann seann sgeul sin.

'S ged is buan an t-siorruidheachd, cha'n iarruinn-sa de ghloir
Ach suidhe sìos fo sgaile 's an aite 's an robh Eoin,
Bha Muire greis 's an aite sin, 'n uair bha i anns an fheoil -
'S toigh leam an seann seann sgeul sin.

Tha'r leam gu'm faic mi'n t-aite sin, ged tha mi anns an fheoil
'S muinntir 'tha 'g a aiteachadh, an lathair Rìgh na gloir.
'Us trioblaidean an fhasaich so, gu brath cha tig g'an coir -
'S toigh leam an seann seann sgeul sin.

Tha'r leam gu'n cluinn mi'n gairdeachas tha'n lathair Rìgh na
gloir
'S na naoimh a seinn air clarsaichean mu'n ghras a thug iad beo.
Nach sona bhi 'san aite sin, nuair dh'fhagas sinn an fheoil -
'S toigh leam an seann seann sgeul sin.

3. Tha tir ann tha na's dealraich' no la
Tir a chi sinn tre chreidimh o chein,
Oir tha'n Rìgh 'n ain 'na mhaise a ghnath
Chaidh a dh-ullach' dhuinn aite leis fhein.

O'n sgeul ait, cha bhi fad
Gus an coinnich sinn thall air an trai'.

N uair a gheibh sinn ar cas air an traigh,
Canar leinn orain fhonnmhor nan saoi,
'S biodh ar spiorad tur saor o gach craidh.
'S cha tig sgios 'thogail osnaich a chaidh.

De ar n-Athair, tha fialaidh 's lan baigh
Bheir sinn cliu agus moladh gun chlos.
Airson Tiodhlac do-labhairt a'ghraidh,
'Us gach beannachd a shealbhaich sinn 'bhos.

4. Iosa, gleidh mi dluth do'n chrann:
'S ann 'tha 'n tobar priseil
'Dh-fhosgail Dia airson na slogh, -
'N t-sruth 's am bheil an iocshlaint.

Ann a'chrann, anns a'chrann,
Biodh mo ghloir an comhnuidh,
Gus an ruig mi an taobh thall
'N fhois a ghealladh dhomhsa.

Dluth do'n chrann, 'us ormsa sgath,
Thainig gradh 'us trocair;
Dhealraich Reul-na-Maidne moich,
'S doille m'inntinn dh'fhogair.

Dluth do'n chrann, O, Uan mo Dhe!
Nochd dhomh 'shealladh aillidh;
Ceum air cheum, o la gu la,
Gleidh mi fo a sgaile.

Dluth do'n chrann bithidh mo thamh,
M'iarrtus, m'earbsa, m'aobhneas,
Gus an ruig mi traigh an oir,
Air taobh thall na h-aibhne.

- - - - -

5. O miorbhuil grais! nach briagh an ceol;
'Se E lorg mi's mi air chall,
Air seachran dorch, gun neart gun treoir;
'S a dh'fhosgail suilean dall.

'S e gras thug eolas dhomh air m'fheum.
'S e gras thug saors is sith,
'S cha cheannaicheadh or a'chruinne-che
'Cheud la bha fois 'nam chridh.

Tre iomadh cunnart 's trioblaid chruidh
Thug E gu sabhailt mi.
An gras a shaor bho'n bhas le buaidh
Chan fhag 's cha treig su sior.

'San dachaidh bhuan gun uair gun tim
'S deich mile bliadhn' mar la
Cha sgur an ceol 's chan fhas iad sgith
A'seinn a chaoidh mun ghras.